

335/1
LUGANDA
Paper 1
July/August 2023
2 hours



WAKISSHA JOINT MOCK EXAMINATIONS

Uganda Certificate of Education

LUGANDA

(Okuwandiika emboozi, okufunza, okukyusa, ggulama n'ebisoko)

Olupapula olusooka

Essaawa bbiri (2)

EBIGOBERERWA:

- Olupapula lulimu ebitundu bibiri: A ne B.
- Mu kitundu A, mulimu nnamba 1(a) ne (b). Londako (a) oba (b).
- Mu kitundu B, mulimu nnamba 2 ne 3. Nnamba 2, londako (a) oba (b).
- Nnamba 3 yonna ya buwaze.

EKITUNDU A

Kola nnamba 1(a) oba 1 (b) mu kitundu kino.

1. (a) Ku mitwe egikuweereddwa, londako gumu oguwandiikeko emboozi ya bigambo nga 400. **(Buli mboozi ya bubonero 50)**
- (i) Okwewola amabanja kwamusuula ku kyokya.
 - (ii) Abakazi benkanira ddala n'abasajja mu bintu bingi. Kubaganya ebirowoozo.
 - (iii) Kyotonnalya tokyesunganga.
 - (iv) Obukulu bw'okulima mu Uganda ya leero.

Oba

- (b) Ku mitwe egikuweereddwa, londako ebiri (2) buli gumu oguwandiikeko emboozi nga bw'olagiddwa. **(Obubonero 25 buli mutwe)**
- (i) Ggwe muyima wa ttiimu y'omupiira y'Essaza lyammwe, olukunjaana lwessaza lutudde okulaba nga ttiimu yammwe ewangula e kikopo ky'amasaza ga Buganda. Wandika ebigambo by'onoobagamba ku nteekateeka gy'okoze okulaba ng'ekyo kituukirira. (Kozesa ebigambo 200)
 - (ii) Wandika alipoota eraga ebyava mu kunoonyereza ku bivirako okugwa kw'emirimu (bizinensi) gy'abantu mu bbanga ettono mu Uganda ya leero. (Kozesa ebigambo 200)
 - (iii) Wandika eggulire essake erinaafulumira mu lupapula lw'amawulire ku mutwe ogugamba nti "Abantu bazibu!". (Kozesa ebigambo 200)
 - (iv) Wandikira mukwano gwo ebbaluwa ng'omunyonnyola akabi akamwolekedde olwenyambala ye embi. (Kozesa ebigambo 200)

EKITUNDU B

Kola ekibuuzo 2(a) oba 2(b)

(Buli kibuuze kya bubonero 20)

2. (a) Funza ekitundu kino mu bigambo nga kikumi (100) ng'olaga ebifa ku kabaka byokka..

Olwo leero, Ddunda Lugaba Nnamugereka nga bw'asiimye n'abuggyako eddiba n'abukeesa nga ffe tukyali balamu, tukyamoga era tukyatemya bukofu anti njaali alanga budde. Nange kwekusalawo nnyambalire ku mugongo ng'enswa era nziguse buseke era nze mwene ngobye bumale anti obusonzi bwekunya nsobole okukuteerako ejinja ku mboozi empoomu, ennyuvu, ejjudde eddekende, nkunyumize, nkulojjere ebitonoto byennanyumizibwa jjajjange Musologwanswa eyatuvu edda ku maaso n'alemba olw'e Kaganga etalimwa mpande gyebatambuliza omugongo ng'obwato era enviiri gye zittira ng'omuddo; ebikwata ku kabaka.

Mu nsi yonna kabaka ali omu era waawano e Buganda. Ono ye mukulembeze wa Buganda ow'okuntikko, owaawaggulu. Era obukulembeze bwe buno bwa nsikirano okuva edda nedda lyonna era na buli kati era tebukubwako kalulu kuba kabaka talondebwa wabula azaalibwa. Era kabaka bw'akisa omukono: bw'afa oba bw'ava mu bulamu obwensi eno obuwoomu ng'omubisi gw'enjuki asikirwa omulangira akola omukolo ogw'okubikka akabugo ku njole. Era asobola okuba muganda we oba omu ku baana ba baganda be abava mu lulyo olulangira, so si muntu mulala yenna abeera abwegwanyiza.

Kabaka bwaggya omukono mu ngabo. enjole: omubiri gwe baaguterekanga nga tekuli mutwe, gwaggyibwangako ne gusuulibwa mu binyomo: ebiwuka. Oluvannyuma akaba baakozanga bulungi ne katukula ne kamasamaasa n'okusinga mukene. Era omuntu bweyakyalanga mu nnyumba: Mu masiro nga bamugamba nga bamulaga nti ako kaba ka Mulondo oba kaba ka Jjunju n'abalala okwo kwe kwava ekitiibwa oba ekigambo Kabaka. Ensangi zino: 'Ennaku zino bw'omala n'obinaanika engatto n'owubaayo olubu lw'ekigere mu Masiro bakulaga bifaananyi bya bassekabaka: bakabaka abaafa edda kubanga empisa eno ey'okuggyako omubiri gwakabaka akisizza omukono omutwe(akaba) Ssekabaka Muteesa Walugembe yagidibya: Yakikomya.

Abaganda era bakkiriza nti Kabaka ye muntu akiikirira Katonda ku nsi era kiwanuuzibwa nti bakabaka abaasooka baava mu ggulu. Ekimuyisa Kabaka kiri nti y'abaka obubaka okuva mu ggulu n'abutuusa eri abantu nga abuggye ewa Lisoddene Nnamugereka.

Oba

(b) Kyusa ekitundu kino okizze mu Luganda.

(Obubonero 20)

POVERTY

Girls from poor families are more likely to be exposed to teenage pregnancies than those from rich families. Girls are more likely to be married off early in exchange for groceries from **suitors** because families attach little or no value to education. Also these girls are likely to be compromised, manipulated and sexually exploited by older persons because they have little or nothing to negotiate about in intimate relationship to preserve themselves.

There are stories about bodaboda men who take advantage of these young girls they ride to school and engage them in early sex.

Teenage pregnancy is the biggest contributor to child school dropout and child marriages. As a result, Uganda has one of the lowest levels of Education transition with less than 10 % of the children who enroll in primary schools being able to complete tertiary education.

At the national level, we lose money in health care for these pregnant teenagers. UNICEF and UNFPA (2022) estimate that more than Shs. 645 billion, (US \$ millions) is spent by the government on health care for teenage mothers and the education of their children.

(Partial extract from)

Saturday Monitor: April 22, 2023 written by Michael Agaba

Kola, ekibuuzo 3(a) ne 3(b)

3. (a) Jjuza ebisoko ebituufu mu mabanga agalekeddwawo.

(Obubonero 20)

(i) Kitaawe yamukyawa lwa kumulabanga mu buli kaseera nga wabaddewo ensonga enkulu gy'amugamba.

(ii) Lekera awo okufuulira banno kubanga nabo tebayagala kubeera bwe batyo.

Bikkula

- (iii) Mbayiwa lwe baamusiiga endwadde y'abazira yasula akukunadde nga mu kikata.
- (iv) Abatemu kati bali mu Uganda bakuba nga..... olaba batta ne Minister!
- (v) Abaweerera oyo bamala bya mu kubanga eby'okusoma ye sibyaliko.
- (vi) Musologwanswa yazze wano ng'akongozze omumbejja era nga takyategeera.
- (vii) Olumbe nalusiba ku ne nzija mbaweereze.
- (viii) Ttiimu y'omupiira ey'essaza ly'e Ggomba ne Busiro zombi zaagudde anti omupiira we gwaggweeredde nga tewali ateebye munne.
- (ix) Omukadde abadde aweerera abazzukulu abaggyemu kati nabo eby'okusoma babivuddeko
- (x) Enkuba ebadde etonnya emyezi egiyise erese bannakyalo ge bakaaba ge olw'okuboonoonera ebintu byabwe.

(b) Kola b(i), b(ii), ne b(iii)

- (i) Ebikolwa bino ddamu obiwandiike mu kawakatirwa akaddirigana.
 - Okusamba
 - Okusika
 - Okuzaala

(Obubonero 03)

- (ii) Wandika ennukuta enjogeza ezitandika ebigambo by'oluganda.

(Obubonero 03)

- (iii) Ddamu owandiike sentesi zino ng'ozifudde ezigaana.
 - Nze mmumanyi bulungi.
 - Okuyimba mu kkanisa kulunji.
 - Abo be bawala abalungi ennyo.
 - Mpeereza ebitabo nga bukyali.

(Obubonero 04)

BIKOMYE WANO